

DEO OPT. MAX. VNI ET TRINO, VIRGINIQ; DEIPARÆ, ET S. LVCE, ORTHODOXORVM MEDICORVM PATRONO.

# QVÆSTIO MEDICA.

## QVOD LIBETARIIS DISPVATIONIBVS MANE DISCVTIENDA IN SCHOLIS MEDICORVM, DIE IOVIS, XVI. FEBR.

M. IOANNE DE BOVRGES, Doctore Medico, moderatore.

*An certus vnus graviditatis index motus?*

1009

**N**ON sibi tantum nata est mulier, sed viro comes addita, quæ vitæ molestias ac tædia mulceret, sed proli suscipienda, alenda, parienda dicata. Suscipit & gestat vtero; parte superflua si indiuidui, si speciei ratio habeatur pernecessaria. Quocumque aliò virile semen exciderit corrumpitur, illic fœmineo permixtum vim antea sopitam promit διαπαρηγνόν, quâ tunica priantè fœtus vivit more plantæ quàm animalis, antè nutritur accepto per vmbilicum quasi radicem à matre, cui tanquam arbos terræ cohæret, alimento, quàm vllò cieatur motu.

**C**VNCTA hæc vno graviditatis nomine comprehensa dum in abdito peraguntur, nonnullas in aperto prægnans ipsa patitur mutationes latentis in vtero fœtus indices. Vteri os, quod deturpatur. excauantur oculi, eorumque τὸ λαγνὸν πελιδνότερον, aspectus languidus apparer & effœminatus. proba respuuntur edulia, appetuntur absurda. lotium vesica rubens & ignitum non sine dolore profundit. Quæ sanè simul concurrentia nonnihil, singula nihil prorsus de graviditate testantur.

**S**IGNORVM Ἀσχυροστικῶν ea certa ne reputa, quæ rei significata nec omni, nec soli conveniunt. Fallax præ cæteris οὐροσκοπία, fida quidem satis eorum quæ venoso & arterioso geries ἐνχυρίων tantum denotat aut γενοχυρίων, quâ prægnantem omnem laborare qui ait, haud aberrat minus, quàm qui negat cæteras ei pariter obnoxias. De oculis ita cense, vt reliquum quoque ipsi aliquando in se experiuntur. Ad sistenda γεταμίδια (quæ nonnumquam vterum gerentibus, imponit & γαλακτοποίησις, quam non ita rarò puellæ κυμαίνονται, quin & viri aut crassities, viarumque ὑπερβολὴς aut πτωχεύειν. Non desunt his quoque temporibus lilia, quæ vectorem onusta naui admittant lubentissimè. Hinc ἑσπεύουσιν nonnisi dehiscere post conceptum vtero possibili.

**F**IT animal id quod vtero concluditur vnus, cuiusque rationalis, animæ accessione. quo id tempore incertum; certum eam sibi organa propriis edendis functionibus idonea fabricari. Functionum naturales & vitales Physici vel perspicacissimi sensus effugiunt. vnus inter animales manifestus motus, quo, vnâ & sensu, ζωῆς innotescit, non definitur. Vtroque carent cerebro quod imperet, nervo imperium deferente, & musculo qui obsequatur. His instructus fœtus organis, illicò vim antè otiosam ad actum promouet ἀντοκινήσειν, quâ is, manifestus & anodyno matris sensu, in omnem vterini loci differentiam blandè se contorquet.

**H**AC maximè notâ verus conceptus distinguitur à molâ, quæ pariter vt ille ἑμπίνα, lunarem morum numquam sequuta, supprimit, mammas tumefacit, lumbos grauat, subvertit stomachum, ventrem attollit, ἀσύνετος, aut si quis in ea percipitur motus, is nec spontaneus nec ordinatus, sed à proprio pondere grauis & molestus in eam tantum partem, in quam mulier decumbit, conuertitur. Vt igitur in morborum diagnosi, maior vni signo παθολογικῶς debetur fides, quàm συνδύουσι aut περιγενομένοις compluribus: sic ad imprægnationem concludendam, quæ circa mulierem comparent notæ infidæ omnes, ni ad has tandem αὐτόματος accedat motus, quo vno se infans ipse tanquam proprio & indubitato prodit indicio.

*Ergo certus vnus graviditatis index motus.*

Proponebat Lutetiæ ANTHONIVS DE SARTE Parisinus, A. R. S. H. M. DC. LI.

DOMINI DOCTORES DISPVARI.

M. Isaac Renaudor.

M. Anthonius Morant.

M. Ioannes de saint Ton.

M. Petrus Regnier.

M. Ioannes Hamon.

M. Ioannes Maurin.

M. Ioannes de Bourges Scholarum Professor.

M. Franciscus Boujonier.

M. Franciscus Mandat.